

所來又如餘處已斷說斷已入說入已受說受此亦如是復次依欲有漏雙究竟滅故作是說復次依證三漏一味斷得故作是說復次依集漏斷故作是說復次依滅作證故作是說如說得阿羅漢果時九十八隨眠滅作證復次依得無學治彼法智故作是說復次

依得無學離彼繫性故作是說復次依相續斷故作是說謂無始來數斷欲漏二漏續起今斷二漏無復相續復次依斷彼緣故作是說謂無始來二漏與彼作三種緣今斷二漏彼緣永斷復次依厭對治故作是說謂彼證得第四果時摠厭三漏我無始來為彼誑惑

心不解脫今得解脫深生厭離問亦時五蘊皆得解脫何故但說心解脫耶答心於五蘊最勝故說謂若說勝亦已說餘如王得脫眷屬亦亦復次以心為首摠說五蘊皆得解脫復次以依心故名心所法以心大故名大地法故但說心復次修他心智無間道時但緣

心故作如是說心諸勝事如餘廣說

十六末

說一切有部發智大毗婆沙論卷第四十七

離七

遍彼力踰胡高淹一益派反賣勉反眉臘二

分齊去聲並循環二字音軌上酒上下亦作下

醜直弓銷饌上床下慈反怨上敵徒的音寬下媒

媯下反古娛音愚

阿毗達磨大毗婆沙論卷第四十八

離八

五百大阿羅漢等造 三藏法師玄奘奉 詔譯

結蘊第二中不善納息第一之三

有四暴流謂欲暴流有暴流見暴流無明暴流問此四暴流以何為自性答以百八事為自性謂欲暴流以欲界二十九事為自性即

勝

貪五瞋五慢五疑四纏十有暴流以色無色界二十八事為自性即貪十慢十疑八見暴流以三界三十六事為自性即欲色無色界各十二見無明暴流以三界十五事為自性即欲色無色界各五部無明由此四暴流以百八事為自性已說自性所以今當說問何故名暴流暴流是何義答漂激義騰注義墜溺義是暴流義漂激義是暴流義者謂諸煩惱等漂激有情令於諸界諸趣諸生生死流轉騰注義是暴流義者謂諸煩惱等騰注有情令於諸界諸趣諸生生死流轉墜溺義是暴流義者謂諸煩惱等墜溺有情令於諸界諸趣諸生生死流轉問若墜溺等義是暴流義者順上分結應非暴流彼令有情趣上生故答順上分義異暴流義謂依界地立順上分結彼令有情趣上界地故依解脫道立為暴流雖生有頂而今有情況沒生死不至解脫及聖道故尊者妙音亦作是說雖久生上

而為暴流之所漂溺退善品故尊者左受作如是說此中增上數行煩惱如暴流故說名暴流問何故別立見為暴流取而不別立為見漏耶脇尊者言佛知諸法性相勢用若法堪任別建立者則別立之若不尔者便摠建立復次諸見輕躁行相猛利於留住義不隨順故與餘遲鈍煩惱合立為欲有漏與漂激等義相隨順是故別立暴流取如一車等駕以二牛性俱躁急車等必壞若彼二牛一遲一疾互相制御便無所損故不別立見為見漏復次見性躁動順離染法不順留住是故與餘遲鈍煩惱合立為漏於漂激等其義相順故別立為暴流取問若見躁動順離染法不應立為暴流取以暴流等順沉溺故答為呵外道著諸見故別立諸見為暴流等謂諸外道隨起見趣邪推求境便於生死轉復沉溺無有出期譬如老象陷溺淤泥隨動其身轉復沉溺分別論者說有四漏謂

雜八

二

欲漏有漏見漏無明漏於彼論宗不須問答
有四軌謂欲軌有軌見軌無明軌此軌自性
如暴流說而義有異謂漂溺義是暴流義和
合義是軌義謂諸有情為四暴流所澍溺已
復為四軌和合繫礙便能荷擔生死重苦如
牽推牛置之棘軌勒以鞅鞅能挽重載故一

切處說暴流已即便說軌義相隣故

有四取謂欲取見取戒禁取我語取問此四
取以何為自性答以百八事為自性謂欲取
以欲界三十四事為自性即貪五瞋五慢五
無明五疑四纏十見取以三界三十事為自
性即欲色無色界見各有十戒禁取以三界

六事為自性即欲色無色界戒禁取各二我
語取以色無色界三十八事為自性即貪十
慢十無明十疑八由此四取以百八事為自
性已說自性所以今當說問何故名取答以
三事故說名為取一執持故二收採故三選
擇故又以二事故名為取一能熾然業二行

相猛利能熾然業者取今五趣有情業火恒
熾然故行相猛利者諸取行相極勇健故問
取是何義答薪義是取義如緣薪故火得熾
然有情亦尔煩惱為緣業得熾盛復以纏裹
義是取義如蠶作繭自纏自裹乃至於中而
自取死有情亦尔起諸煩惱自纏自裹而於

離八

三

其中傷失慧命展轉乃至墮諸惡趣復次傷
害義是取義如利毒刺數刺其身身便損壞
有情亦尔煩惱毒刺數刺法身法身便壞問
何故無明別立漏暴流軌而不別立取耶脇
尊者言佛知諸法性相勢用若於此中堪別
立者則別立之若不尔者便摠建立故不應
責復次前說以三事故名取謂執持收採選
擇無明雖有前二而無第三故不別立取以
無明愚暗不能選擇法故復次前說以二事
故名取謂能熾然業及行相猛利無明雖能
熾然業而非行相猛利故不別立取以無明
遲鈍不能決了法故問何故五見中四見合

立為見取一見別立為戒禁取耶脇尊者言
 佛知諸法性相勢用若於見中堪別立者則
 別立之若不尔者便摠建立故不應責復次
 前說以二事故名取謂能熾然業及行相猛
 利五趣有情由戒禁取熾然諸業等餘四見
 故別立取尊者妙音作如是說五趣有情由

戒禁取熾然諸業勢用速疾尤重親近過餘
 四見故別立取復次以戒禁取違逆聖道遠
 離解脫故別立取違逆聖道者由戒禁取捨
 真聖道妄計種種非理苦行能得清淨如斷
 飲食卧灰卧杵面隨日轉服氣服水或惟噉
 果或但食菜或著弊衣或全露體執如是等

能得清淨遠離解脫者如如修行苦行邪道
 如是如是遠離解脫復次以戒禁取欺誑內
 外二道故別立取欺誑內道者如執洗淨受
 持十二杜多功德能證清淨欺誑外道者如
 執種種即前所說非理苦行能得清淨尊者
 妙音亦作是說此戒禁取現見生苦如炎熾

火欺誑二道如感嬰兒故別立取問何故名
 我語取為以行相為以所緣若以行相薩迦
 耶見應名我語取我行相轉故若以所緣諸
 法無我如何可說我語取耶答不以行相不
 以所緣名我語取有前失故然欲界煩惱除
 見立欲取色無色界煩惱除見立我語取問

離八

四

何故尔耶答欲界煩惱依淫欲轉依境界轉
 依眾具轉依他身轉故立欲取色無色界煩
 惱與彼相連依內起故立我語取復次欲界
 煩惱感內身時須淫欲須境界須眾具須第
 二故立欲取色無色界煩惱感內身時與彼
 相連故立我語取復次欲界煩惱感內身時

惟依非定多因外門外事故立欲取色無色
 界煩惱感自身時惟依於定多因內門內事
 故立我語取復次欲界煩惱不能感得廣大
 身形長久壽量故立欲取色無色界煩惱能
 感得廣大身形如色究竟天身長萬六千踰
 繕那亦能感得長久壽量如非想非非想處

壽入萬大劫故彼煩惱立我語取問何故欲
漏暴流輒取亦攝諸纏有漏等中全不攝彼
有作是說有漏乃至我語取中亦攝諸纏品
類足說云何有漏謂色無色界除無明諸餘
結縛隨眠隨煩惱纏是名有漏有暴流輒及
我語取亦應攝纏應作是說上界纏少不自

在故不說為有漏乃至我語取欲界雖多而
見所斷不具足故不自在故但摠說十纏不
別說五部問諸煩惱垢何故不說為漏等耶
有作是說彼亦說在欲漏等中品類足說云
何欲漏謂欲界除無明諸餘結縛隨眠隨煩
惱纏是名欲漏乃至廣說隨煩惱者即煩惱

離八

五

垢應作是說煩惱垢塵不堅住故不說漏等
不信懈怠放逸亦由過輕微故不說漏等如
契經說如是四取無明為因無明為集是無
明類從無明生問餘經皆說愛為取緣此經
何故作如是說若依近因故說愛為取緣依
遠因故說無明為取因等如近因遠因在此

在彼現前不現前此衆同分餘衆同分應知
亦亦復次依同類因故說愛為取緣依同類
徧行因故說無明為取因等復次為破外道
虛妄僻執故說無明為取因等謂諸外道雖
捨居家無取無積勤修苦行而由無智著諸
見趣墮險惡道無有出期故說無明為取因

等問愛即攝在欲取等中何故乃說愛為取
緣若即貪隨眠初起名愛後增名取故不相
違復次即貪隨眠下品名愛中上名取故不
相違有四身繫謂貪欲身繫瞋恚身繫戒禁
取身繫此實執身繫問此四身繫以何為自
性答以二十八事為自性謂貪欲瞋恚身繫
各欲界五部為十事戒禁取身繫三界各二
部為六事以實執身繫三界各四部為十二
事由此四身繫以二十八事為自性已說自
性所以今當說問何故名身繫身繫是何義
若縛身義結生義是身繫義縛身義是身繫
義者謂此四種於生死中縛有情身等縛徧

縛如集異門說貪欲身繫未斷未徧知故於彼彼身彼彼形彼彼所得自體為因為緣為縛為等縛為徧縛為結相續如結髮師或彼弟子取種種花集置一處以縷結作種種花髮縷與花髮為因為緣為縛為等縛為徧縛為結相續餘三身繫廣說亦亦結生義是身

繫義者如契經說三事合故得入母胎一者父母俱有決心二者其母無病值時三者健達縛正現在前亦時健達縛愛恚二心展轉現在前方得結生故結生義是身繫義問若縛身等義是身繫義者餘煩惱等亦有此義何故不立為身繫耶有作是說此是世尊觀

離八

六

所化者有餘略說脇尊者言佛知諸法性相勢用若法堪任立身繫者則便立之若不介者則不建立故不應責尊者妙音作如是說佛知此四縛有情身等縛徧縛勢用速疾尤重親近過餘煩惱是故偏立復次此四身繫縛二部身過餘煩惱是故偏立謂初二身繫

縛在家者身過餘煩惱後二身繫縛出家者身過餘煩惱如在家出家有室宅無室宅有攝受無攝受有積聚無積聚有眷屬無眷屬無遠離有遠離應知亦亦復次此四身繫縛三界身過餘煩惱是故偏立謂初二身繫縛欲界身過餘煩惱後二身繫縛色無色界身

過餘煩惱復次此四身繫起二諍根過餘煩惱是故偏立謂初二身繫起愛諍根後二身繫起見諍根如契經說執瓶持杖梵志詣大迦多衍那所作是問言何因何緣利帝利與利帝利諍婆羅門與婆羅門諍吠舍與吠舍諍戍達羅與戍達羅諍尊者答言彼由貪瞋

愛諍根故互興鬪諍梵志復言何因何緣諸出家者無有室宅攝受積聚而相鬪諍尊者答言彼由戒禁取及此實執見諍根故互興鬪諍如一諍根二邊二箭二戲論二我執應知亦亦復有說者此中現門現略現入故但說四謂諸煩惱或惟見所斷或通見修所斷

離八

七

若說後二身繫當知揔說惟見所斷者若說初二身繫當知揔說通見修所斷者得次諸煩惱或是徧行或非徧行若說後二身繫當知揔說是徧行者若說初二身繫當知揔說非徧行者復次諸煩惱或是見性或非見性若說後二身繫當知揔說是見性者若說初

二身繫當知揔說非見性者復次諸煩惱或惟異生現行或通異生聖者現行若說後二身繫當知揔說惟異生現行者若說初二身繫當知揔說通異生聖者現行者復次諸煩惱或歡行相轉或感行相轉若說瞋恚身繫當知揔說感行相轉者若說餘三身繫當知

揔說歡行相轉者復次諸煩惱或惟欲界繫或通三界繫若說初二身繫當知揔說惟欲界繫者若說後二身繫當知揔說通三界繫者故為現門現略現入契經但說四種身繫有五蓋謂貪欲蓋瞋恚蓋昏沉睡眠蓋掉舉惡作蓋疑蓋問此五蓋以何為自性答以欲

界三十事為自性謂貪欲瞋恚吝欲界五部為十事昏沉掉舉各三界五部通不善無說惟不善者立蓋為十事睡眠惟欲界五部通善不善無記惟不善者立蓋為五事惡作惟欲界修所斷通善不善惟不善者立蓋為一事疑通三界四部通不善無記惟不善者立

蓋為四事由此五蓋以欲界三十事為自性問蓋有何相尊者世友作如是說自性即相相即自性以一切法自性與相不相離故復次耽求諸欲是貪欲相憎恚有情是瞋恚相身心沉沒是昏沉相身心躁動是掉舉相令心昧略是睡眠相令心變悔是惡作相令心

行相猶豫不決是疑相已說蓋自性及相所以今當說問何故名蓋蓋是何義答障義覆義破義壞義墮義卧義是蓋義此中障義是蓋義者謂障聖道及障聖道加行善根故名為蓋覆義乃至卧義是蓋義者如契經說有五大樹種子雖小而枝體大覆餘小樹令枝

離八

八

體等破壞墮卧不生花果云何為五一名建折那二名劫臂怛羅三名阿濕縛健陀四名那曇跋羅五名諾瞿陀如有情欲界心樹為此五蓋之所覆故破壞墮卧不能生長七覺支花四沙門果故覆等義是蓋義問若障聖道及障聖道加行善根是蓋義者餘煩惱

等亦有此義世尊何故不說蓋耶有作是說此是世尊為所化者有餘略說腦尊者言佛知諸法性相勢用有蓋相者便立為蓋無蓋相者則不立之故不應責尊者妙音作如是說佛知此五能障聖道及障聖道加行善根勢用捷速尤重親近過所餘法故偏立蓋復

次如是五蓋因時果時俱能為障故偏立蓋因時為障者此五隨一現在前時心尚不能起有漏善無記何況聖道果時為障者由此五蓋墮諸惡趣便掩障礙一切功德復次如是五蓋欲界有情多數現起行相微細餘煩惱等則不如是故偏立蓋謂慢見等欲界有

情起者甚少如地獄等豈能起慢我所愛苦勝他苦耶傍生趣中如蝦蟇等愚癡闇劣豈能發起諸惡見趣是故尊者妙音說曰諸餘煩惱雖障聖道而此五種數數現行行相微細是故偏立復次此五障定及障定果勝餘煩惱故偏立蓋復次此五能障三界離染九

高八

九

徧知道四沙門果勝餘煩惱故偏立蓋復次貪欲令遠離諸欲法瞋恚令遠離諸惡法惛沉睡眠令遠離諸欲惡法及毗鉢舍那奢摩他故便為疑箭惱壞其心為有諸惡不善業果為非有耶因斯造作種種惡業是故偏立

此五為蓋復次貪欲瞋恚破壞戒蘊惛沉睡眠破壞慧蘊掉舉惡作破壞定蘊彼由破壞此三蘊故便為疑箭惱壞其心為有諸惡不善業果為非有耶因斯造作種種惡業是故偏立此五為蓋復次貪欲瞋恚障礙戒蘊惛沉睡眠障礙慧蘊掉舉惡作障礙定蘊彼由

障礙此三蘊故便為疑箭惱壞其心為有諸惡不善業果為非有耶因斯造作種種惡業是故偏立此五為蓋如說破壞障礙三蘊破壞障礙三學三修三靜亦不復有說者此中現門現略現入是故但立此五為蓋謂煩惱等或惟一部或通四部或通五部若說惡作

當知惣說惟一部者若說疑蓋當知惣說通四部者若說餘蓋當知惣說通五部者復次諸煩惱等或惟見所斷或惟修所斷或通見修所斷者說疑蓋當知惣說惟見所斷者若說惡作當知惣說惟修所斷者若說餘蓋當知惣說通見修所斷者復次諸煩惱等或是隨眠或非隨眠若說貪欲瞋恚疑蓋當知惣說是隨眠者若說昏沉睡眠掉舉惡作當知惣說非隨眠者復次諸煩惱等或是徧行或非徧行或通二種若說疑蓋當知惣說是徧行者若說貪欲瞋恚惡作當知惣說非徧行者若說昏沉掉舉睡眠當知惣說通二種者

復次諸煩惱等或惟異生現行或通異生聖者現行若說疑惡作蓋當知惣說惟思生現行者若說餘蓋當知惣說通異生聖者現行者復次諸煩惱等或歡行相轉或感行相轉或通二種若說貪欲當知惣說歡行相轉者若說瞋恚惡作疑蓋當知惣說感行相轉者

南八

十

若說昏沉睡眠掉舉當知惣說通二種者故為現門現略現入契經但立此五為蓋問蓋名有五體有幾耶答體有七種謂貪欲蓋名體俱一瞋恚疑蓋應知亦不昏沉睡眠蓋名一體二掉舉惡作蓋應知亦不名對體名施設對體施設名異相對體異相名異性對體異性名分別對體分別名覺慧對體覺慧應知亦不問何故貪欲瞋恚疑一一別立蓋昏沉睡眠掉舉惡作二二合立蓋耶脇尊者言佛知諸法性相勢用若法堪任別立蓋者則別立之若不介者便共立蓋故不應責復次若是隨眠亦纏性者各別立蓋若是纏性

非隨眠者二共立蓋復次若是圓滿煩惱性者各別立蓋若非圓滿煩惱性者二共立蓋結縛隨眠隨煩惱纏五義具足者名圓滿煩惱復次以三事故各共立蓋謂一食故一對治故等荷擔故此中一食一對治者謂貪欲蓋以淨妙相為食不淨觀為對治由此一食

一對治故別立一蓋瞋恚蓋以可憎相為食慈觀為對治由此一食一對治故別立一蓋疑蓋以三世相為食緣起觀為對治由此一食一對治故別立一蓋惛沉睡眠蓋以五法為食一瞢憤二不樂三頻欠四食不平性五心羸劣性以毗鉢舍那為對治由此同食同離八十一

對治故共立一蓋掉舉惡作蓋以四法為食一親里尋二國土尋三不死尋四念昔樂事以奢摩他為對治由此同食同對治故共立一蓋等荷擔者貪欲瞋恚疑一一能荷一蓋重擔故別立蓋惛沉睡眠二能荷一蓋重擔故共立蓋如城邑中一人能辦一所作者

則令別辦若二能辦一所作者則令共辦又如椽椽強者用一弱者用二此亦如是問何緣五蓋次第如是答如是次第於文於說俱隨順故復次如是次第授者受者俱隨順故復次五蓋如是次第生故世尊如是次第而說是故尊者世友說曰得可愛境便生貪欲

失可愛境女生瞋恚失此境已心便羸弱次生惛沉由惛沉故心便憤悶次生睡眠從彼覺已次生掉舉既掉舉已女生惡作從惡作後復引生疑由此五蓋次第如是問佛說五蓋差別有十云何分五為十蓋耶答以三事故分五為十一內外故二自體故三善惡故

內外者謂有貪欲蓋緣內而起有貪欲蓋緣外而起故成二蓋有瞋恚蓋是瞋自體有瞋恚蓋是瞋因緣故成二蓋自體者謂有惛沉蓋有睡眠蓋有掉舉蓋有惡作蓋二分成分四善惡者謂疑於善惡分成二蓋故由三事分五為十此十一一能障通慧菩提涅槃故名

為蓋問七隨眠中慢無明見世尊何故不立蓋耶答慢非蓋者能隱覆心故名為蓋慢能策心令心高舉故不立蓋無明所以不立蓋者等荷擔故說名為蓋無明隱覆行相轉故荷擔偏重不順等義故不立在此蓋類中見非蓋者能滅慧故說名為蓋見即是慧不可

自性還滅自性故慧非蓋問因論生論蓋能摠滅有為善法何故但說蓋滅慧耶答以慧勝故但說滅慧即摠說滅有為善法勝尚能滅況餘劣者如人能伏千人敵者諸餘劣者豈不能伏問色無色界諸煩惱等何故非蓋答彼無蓋相故不立蓋復次蓋能障礙三界

離八

十二

離漆四沙門果九徧知道色無色界諸煩惱等無如是能故不立蓋復次蓋能障礙定及定果色無色界諸煩惱等無如是能故不立蓋復次蓋能障礙三道三根三種律儀三種菩提三慧三蘊三學三修三淨色無色界諸煩惱等無如是能故不立蓋三道者謂見道

修道無學道三根者謂未知當知根已知根具知根三種律儀者謂別解脫律儀靜慮律儀無漏律儀三種菩提者謂聲聞菩提獨覺菩提無上菩提三慧者謂聞所成慧思所成慧修所成慧三蘊者謂戒蘊定蘊慧蘊三學三修三淨亦亦復次蓋惟不善色無色界諸

煩惱等皆是無記故不立蓋問因論生論何故惟立不善為蓋非無記耶答障善法聚故名為蓋由此蓋者惟是不善如契經說善法聚者謂四念住近障此者謂惡法聚惡法聚者即是五蓋尊者妙音亦作是說雖諸煩惱障聖道故皆應名蓋而為有情深厭離故惟

說不善問無慙無愧既惟不善徧與一切不善心俱何故非蓋有作是說此是世尊為受化者有餘略說脇尊者言佛知諸法作相勢用若法堪任立為蓋者則便立之若不尔者不立為蓋故不應責尊者世友作故是說無慙無愧雖與一切不善心俱惟是不善而造

離八

十二

惡時無著無耻於所造惡多諸巧便於障覆義不顯了故不立為蓋尊者妙音亦作是說無慙無愧雖於所作不善業中勢用增上而於障覆義不顯了故不立蓋尊者佛陀提婆說曰無慙無愧雖障戒蘊而彼勢用不及貪瞋雖障定蘊而彼勢用不及掉舉及以惡作雖障慧蘊而彼勢用不及昏沉及以睡眠故不立蓋問嫉慳二結何故非蓋答亦應名蓋而不說者當知此是有餘之說有作是說此是世尊為受化者簡略而說脇尊者言佛知諸法性相勢用堪立蓋者則便立之若不介者不立為蓋故不應責尊者世友作如是言嫉慳二種惱亂二趣不與出家在家二眾故立為結然於障覆義不增強故不立蓋尊者妙音亦作是說嫉慳二結蓋義不顯故不立蓋尊者覺天作如是說嫉慳二結障戒定慧勢用不及貪欲蓋等故不立蓋問忿覆二纏何故非蓋答亦應名蓋而不說者當知此是

有餘之說有作是說此是如來為所度生等略之說脇尊者言佛知諸法性相勢用堪立蓋者則便立之不堪立者便不立蓋故不應責尊者世友作如是說忿覆二纏於障覆心義不顯了故不立蓋尊者妙音亦作是說忿覆二纏於障覆義非增上故不立為蓋尊者覺天作如是說忿覆二纏障戒蘊等勢用不及貪欲蓋等故不立蓋西方諸師作如是說忿覆二義無別體故不別立蓋問六煩惱垢何故非蓋答亦應名蓋而不說者當知此是有餘之說有作是說此是如來為所度生簡略之說脇尊者言佛知諸法性相勢用堪立蓋者則便立之不堪立者便不立蓋故不應責尊者世友作如是言六煩惱垢行相塵動不順蓋義故不立蓋尊者妙音亦作是說六煩惱垢不順蓋相故不立蓋微細數行是蓋相故尊者覺天作如是說六煩惱垢障戒定慧勢用不及貪欲蓋等故不立蓋如契經說

無明蓋所覆愛結所繫縛愚智俱感得如是
有識身問無明能覆亦能縛愛結能縛亦能
覆何故但說無明所覆愛結縛耶答俱應說
二而不說者應知彼是有餘之說復次欲令
所說義易解故以種種語種種文說復次彼
經欲現二門二略二階二隆二明二炬二文

二影如說無明所覆愛結亦應亦如說愛結
所縛無明亦應亦欲現二門乃至二影互相
顯照故作是說復次先作是說覆是蓋義無
餘煩惱覆障慧眼如無明者是故但說無明
所覆縛是結義無餘煩惱繫縛有情流轉生
死如愛結者是故但言愛結所縛諸有情類

無明所盲愛結所縛不能趣入究竟涅槃此
中應說二在賊喻昔有二賊恒在險路若捉
得人一全其眼一縛手足彼人既盲復被繫
縛不能逃避有情亦亦無明所盲愛結所縛
不能趣入究竟涅槃流轉生死恒受苦惱尊
者妙音亦作是說無明所盲愛結所縛便容

造作惡不善業復次依增上義故作是說謂
無明覆用增上愛結縛用增上復次依多分
義故作是說謂無明多分能覆愛結多分能縛

說一切有部發智大毗婆沙論卷第四十八 離八
灑漂激反上二同反音擊 墜溺反下音擊 陷反音擊 於反音擊

反轉反音擊 輒反音擊 捶反音擊 鞞反音擊 鞞反音擊 鞞反音擊

兒反音擊 踰反音擊 踰反音擊 踰反音擊 踰反音擊 踰反音擊

捷反音擊 捷反音擊 捷反音擊 捷反音擊 捷反音擊

捷反音擊 捷反音擊 捷反音擊 捷反音擊 捷反音擊

捷反音擊 捷反音擊 捷反音擊 捷反音擊 捷反音擊

阿毗達磨大毗婆沙論卷第四十九 離九

五百大阿羅漢等造 三藏法師玄奘奉 詔譯

結蘊第二中不善納息第一之四

有五結謂貪結瞋結慢結嫉結慳結問此五

結以何為自性答以三十七事為自性謂貪

結慢結各三界五部為三十事瞋結欲界五